

# Pahang tambah baik aspek kebijakan jurulatih, atlet, infrastruktur sukan

oleh NIK AMIRULMUMIN NIK MIN 05 Disember 2023 02:20pm **Masa membaca: 1 minit**



Orang ramai berpeluang menggunakan kemudahan trek di Stadium Darul Makmur secara percuma pada Isnin hingga Khamis. - Gambar hiasan (Gambar kecil: Fadzli)

KUANTAN - Majlis Sukan Pahang telah melaksanakan penilaian aspek penting melibatkan kebijakan jurulatih, atlet dan keperluan yang perlu ditambah baik bagi meningkatkan pencapaian sukan di negeri ini berdasarkan inisiatif Pelan Pembangunan Sukan Prestasi Tinggi Negeri Pahang 2030 (REVOS2030), Februari lalu.

Exco Komunikasi dan Multimedia, Belia, Sukan dan Badan-badan Bukan Kerajaan Negeri, Fadzli Mohamad Kamal berkata, hasil daripada penilaian itu, kerajaan negeri bersetuju menaikkan gaji jurulatih sepenuh masa bermula RM2,000 sebulan berbanding gaji minima bermula RM 1,500 sebulan sebelum ini.

Menurutnya, penyelarasan gaji itu dilaksanakan Mac lalu bagi menaikkan moral dan semangat para jurulatih sukan untuk melatih atlet-atlet negeri ini.

"Selain itu, bagi memastikan atlet-atlet Pahang terus melakar kejayaan, kerajaan negeri juga telah bersetuju untuk menambah bayaran elaun latihan atlet.

